

*A Monthly Christian Magazine*


AN ORGAN OF THE ZOU PRESBYTERIAN CHURCH SYNOD

# Christian Tangkou

ဗုဒ္ဓကမ္ဘာ့စာပေ တိုဝှော်ပုဒ်

Vol. 57 || No. 12

December, 2021



**Editor: Rev. Khamchinkhai**

Synod Kumpuon:

[Mathiu 6:10]

# NA GAM HING TUNG HEN

# Khristian Tangkou

Vol. No. 57 || Issue No. 12 || December, 2021

# A sung thu

## Editorial Board

Editor : Rev. Khamchinkhai - 8730933744  
 Joint Editor : Rev. Dr. Hangpi Maunlun - 9862910875  
 Cir. Manager : Upa Jamsianmung - 9862086615  
 Bus. Manager : Upa Kamgenpau - 8974612937  
 Ms. Niangkhanmang  
 Nh. Tracy Niangsuannuam

Cont. Editors : Upa Khupsuankham - 9856406454  
 Rev. Awnkhanhup - 9862828921  
 Rev. Thangboi Khuongsai - 8119957887  
 Rev. Khamminlian - 8414998542  
 Rev. P. Ginzalal - 8131814376  
 Upa Dr. M. Lachinkhai  
 Upa Jamgenthang  
 Upa M. Lianminthang

## ZOU SYNOD ULIENTE

- **Moderator:**  
Rev. Kapsuanthang
- **Moderator Elect:**  
Rev. Mangmuanthang
- **Secretary (Sr):**  
Upa M. Kamzadou
- **Secretary (Jr):**  
Upa Chinsuanthang
- **Treasurer:**  
Upa M. Sianzahau
- **Statistician:**  
Upa Suankhanmang
- **Executive Secretaries:**  
Rev. Khamchinkhai  
Rev. Dr. Hangpi Manlun

- Editorial..... 01
- Thu tuomtuom & Thumpi ding ..... 02
- Lem thu leng hen ..... 03
- Mangpa Jesu leh Nikodem ..... 06
- Pasion zong kap tei va ..... 10
- Thumanna ..... 13
- Na Gam hing tung hen ..... 16
- ZPYF Column ..... 21
- ZPWF Column ..... 22

Copies - 1200

### AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



## NA GAM HING TUNG HEN

**K**hristian Tangkou simtute zousie a hing it a, Van Mangtouna nuasie a, kingainiemtah a Bawnginn sung a hing pieng a, sisan man tamtah a hing tantu i Mangpa Jesu Khrist min in chibai ka hing buh masa hi.

Pasian mapuina zieh in kum 2021 bangchi bang a mang ding i hiei chi lunggel toh Covid-19 kawmkal ah mangbang tah a i um lai un, it leh ngai tampiten shina hanmuol ahing liemsan ua, Seppi tamtahten kipanman sang ding a, thupina gam ahing zotsan nua un December ha i hing tung kiata ua, eima hoi zieh hilou a, itna toh hing mapuitu Pa Pasian kung ah lungdam thu i tun uhi.

Kum 2020 kum in Leitung pumpi zelsuoh natpi zieh in Synod Khawmpi zong eima lungtup bang tah a mang theilou leh Khristmas zong adieh in Khopi sung a ten singpi mai toh i mang ua, hinanleh Pasian in hing lungsiet in tu kum pen kum 2020 sang in a dan a umzaw ama chi ding in a um hi.

Tu in Bangchih lai pou a i na ngahla mama uh Khristmas hing nai touta ahina ah, Baptist Johan in “Kisia un Vangam a naita” chi a ana tangkoupi Pasian gam hing tunna “Jesu Khrist in Hagau Leenggam ahing tunding hun” hing tung ding ahina ah nang leh kei bangchin i kisingsa uoi? Kum dang bang a neh leh dawn leh guolnopna mai hilou in Pasian Gam eima lungtang sung ah tungsah chiet leii hinkhuo a nuom ding a, i innsung, i hattuum sung, i khosung, i Pawlpi leh i

gam sung a nuom ding in Jesu Khrist in eite ahing it bang in eite zong khat leh khat ki-it tuo chiet lei Pasion Gam ahing tung mai ding hi.

I Mangpa Jesu Nuajuite kung ah thum ding dan ana hil khu amau a ding mai hilou in a dieh in eite a ding a poimaw mama ahi.

Tu tung Khristmas i man toh kituoh in i lungsim tawngpen apat Jesu Khrist lamdawn in i lungtang sung uah tengsah va ui. Ama khu a thuneipen in eima Hagau ah, i tahsa uah, i innsung uah, i hattuom sung uah koi va ui. Mangpa umna khu a nuom a, Mangpa umna mun ah Ama dei lam kibawl ahizieh in Mangpa a ding a pan la tha in kum 2021 vaihah in kum 2022 pen Mangpa ah um in ahing piehsa i Hundamna uh kemching in a tha in Pasion a ding in kilaan tha va ui.

Simtute zousie Mangpan Ama Gam a um ding leh Ama deilam sem ding in hing mapui chietta hen.

# Thu tuomtuom leh Thumpi dingte



1. Pasion lungsietna leh mapuina toh leitung buoina kawmkal ah December ha i tung touta ua, District level, Presbytery leh Synod Khawmpi mang thei a i um zieh un Mangpa kung ah lungdam thu tut va ui.
2. It leh ngai tam tahten hanmuol ahing liemsan nua un Pasion lungsietna leh mapuina toh ei gingtute a ding a hunbi poimaw mama Khristmas leh Kumtha hing nai kiata ahina ah damtah leh Hagau lam a phattuomna lientah nei a tam hunbi poimawte zang thei ding in Hattuom misiengthoute kithumpi chiet va ui.
3. Synod lieng, District leh Local lieng ban ah Mimal kiphalte tungtawn a Missionary nna i sepnate uah Hagau mangthai tamsem i mat theina ding un thum chiet va ui

4. I Synod sung a Lai Siengthou zil (Theological Student) umten lawching tah a hing zaw chiet theina ding uleh hagau leh tahsa a damtah a ahing zaw theina ding un thumpi chiet va ui.
5. Synod in semtu a i nei uh Pastor-te, Office Staff-te, Evangelist -te, Evangelist Sangshiete ban ah Hattuum enkoltu Upate a ding in Pasion gam khantanhoi nasepna ah theitawp suo a a hing sep theina ding un Pasion kung ah thumpi va ui.

.....

*Christmas message*

**LEMNA KUMPIPA/LENGPA TUNGTON IN LEITUNG AH**

**LEMTHU LENGTA HEN**

**(Luk 2:14).**

*- Rev. Dr. Hangpi Manlun*

**1). Thupatna.**

Awle u-le-nau, l;awm-le-gual leh nu-le-pate aw Pa Pasion mapuina leh venbitna jieh a, tukum Khrismas melmu thei ding a iumtah man in Pasion min iphat masa uhi. Tutung in ithupi ding un, ‘Lem thu lengta hen’ chi tungton in ikikum ding uhi. Tualeh lemna, muonna leh hamuonna chi khu greek ham in ‘eirene’ a chi uhi. Thuhuntha ah 100-veibang atuong hi. Tualeh lemna khu Pasion hina leh mi zie ahi a, ajiehpén, ‘lemna Pasion’ ahijiehin ahi (Rom 15:33; Philippi 4:9). Tualeh ingahla mama uh leh apienni ilawp uh Jesu jong lemna Mangpa (Prince of peace), ahi.

Tuaban ah, leitung ah lemna leh muonna aumtheina ding in, UNO bang na kiphutin, theitop suo in lemna leh muonna umtheina ding in pan anala uhi. Ahin leitung ah lemna leh muonna tahtah aumthei sih hi. President Jackson in, “I gam in lemna a dei a, mipite jong idei chiet ua, isolkar in jong a dei a, na presidentpu un jong kadei a, thamlouin imelma/galte nasan un

jong a dei a, bang ding a, lemna deichiet kilem suhmai ding hina pi, hinanleh ikilemthei sih uhi” achi a gen dih mama hi. Tualeh leitung ah lemthu lengta hen chi khu bang chiengin alawchingta diei le? Galvan a kisiem tam deudeu a, lemthu sangin kileplou thu khu aleng deudeu a, kileplou khu ikilepna uh hileh akilawm via hi. Awleh, lemna ipoimawna uh tuomtuoimte isuiding uhi:

**2). Eima-le-eima ikilem masa ding uhi.** Awle amasapen in mani- le- mani ikilem masa ding uhi. Khawvel a mijau huaipente ahileh mani-le-mani kilemtheilou, tantawh a lungkimthei lou leh kingaisiete ahi uhi. Amauten mailam ah lametna ding aneilou jiehun, kingaisie in mani-le-mani a kithat ngam uhi. Tuaziehin, eima-le-eima ikilem theina ding un ilungtang sung ah lemna kumpipa (Jesu) piengsah va-ui,

**3). I nupa kal ah lemthu lengta hen.** Tulai nu-le-pa tamtahte khu ikingailai un, kilungsiet sengseng kisa in “love is blind” itna a mittaw chin imizie leh ihinata jong kitheiman lou jen in ikteng paipai uhi. Ahin ikitentah chieng un itna mittaw khu hing hah kelkulin, ka gintat na bang sih chite in ikinua hauthei leng uhi. A khente ngel lah ikingai lai un kilungsiet sengseng kisa a, nu-le-pa leh hattuom dan nangawn ngahlou jen a kigupawl jong itam uhi. Tulai ji-le-pasal kikal a kilemlouna umsahute khu, thangsietna jiehte, kiginlelna jiehte, tanding bang kipiehlouna jiehte, sum-le-pai jiehte, leh adangdang jiehte in nupa kal ah kilemlouna apieng nuom mama hi. Tambang nupa hinkhuo nuom loutah a jang mite kung ah lemthu lengta hen chia van angelte lasah

khu atahtah in hing tangtungta hen aw.

**4). Innkuon sung ah lemthu lengta hen.** Tulai Khristian innkuon tampite khu melmapa setan nnasep jiehe a kituohlou tamtah jong iumthei uhi. A khente kituohlouna jiehte khamthei drugs, sum-le-pai, zu-le-sate ban ah teh-le-mou kituohlou, pa leh ta kituohlou chite in ipumdimta uhi. Tambang a hamsatna tuoh innkuonte kung ah Mangpan lemthu lengta hen ang chi hi. Tuaziehin, khristian innkuon kichite Jesu hing pienni khu bangchin ilawm ding uoi le?

**5). Inn sah innhangte kikal ah lemthu lengta hen.** Tulai innte kinai deudeu ahin ilungsimte uh akigamla deudeu abangta hi. Tuaban ah, duamna leh mani masielnate jiehe in innsah innhangte mun-le-muol kitu in kituohlouna hinkhuo ah ilutta uhi. A khente ngelin lah innkim inn pamte mun-le-muolte lahsah lah abeisah hi. A diehin, Lamka khuopi ah ihawhtuite un jong aluonna ding nangawn theilou khop iumta uhi. Ahin, upaten, migam kehsahute khu a luong uh tatna ding tan a kehchieng un aluong un asap (ashilaw uh) akichi hi. Thupilin, “Na unau na pienpi mun gamla tah aum sang

in na inn geite khu nang ading na sanggamte ahi” achi hi. A gen dih mama hi, nop leh da tuohta lei jong iunau mun gamlapi aumte sang in i innsah innhangte khu eite hing delmasa pen dingte uh ahi. Tuaziehin, nidanglai ipi, iputen innsah innhangte toh kituohlou sangin khuo sagi dou ding ateljaw uhi. Tualeh Bible in min natung a abawlding na dei bang uh mitung ah bawl un achilai in, eiten eitung a min ang bawl ding ideiloute uh mitung ah ibawlsawm leng uhi. (Mattiu 7;12).

**6). Hattuom sung ah lemthu lengta hen.** Awle, hattuom khu Mangpa Jesun asisan manpha toh ang leisa leh ang tundingte ihi uhi. Tuaziehin, tahsa a kipawlkhawmna maimai ahishi a, hagama kipawlkhawmna mun ahilam imanghil sih ding uhi. Tuabanah, hattuom khat a umte khu akituohpente kihilouin, akituohlou teng umkhawm hilei akilawmta hi. A jieh ahileh ikituohdan uh toh et in. Adiehin kum 2000 tunglam ah koi hattuom chin teng ah kikhenna leh kituohlouna ang ha um mama hi. Melmapa setan ngei in jong hattuom chinteng kituohtah a Manggam nna isepding uh a thangsie ahingei ding a, hattuom lien leh neuta lah ah jong

kituohlouna ang nasa mama hi.

Tualeh hattuom sung a ikituohlouna jiehte uh ahileh, lamkai kituna jiehte, mani thulou thusahlounate, be-le-phung a kihui tuomnate, lawm-le-pai akihui tuomnate, leh adangdangte jieh ahinuom mama hi. Tambang a suol nnasepnate topsan in ihattuom sungte uah lemna leh muonna hing tungta hen.

**7). I khotang leh igam vaihawmnate ah lemthu lengta hen.** Tulai ikhotang leh igam vaihawmnate ah nasatahin kituohlouna a nasa mama hi. Banah, itenna gam ah lemna leh muonna nasatahin ipoimaw uhi. Tuabanah, eite khu kawle-le-vaite bang in chi-le-nam kikhenna nei sih nanlei jong mihausa leh a jongte kikal ah nasatahin kidaidan alien deudeu hi. Tualeh isum suina ua itenate/buhnate uh adih tahtah nai? Bible in “Tena dihluo khu Mangpa mitmu in sil kidah huai tah ahi a, adih khu akipahpi hi” achi hi. (Proverb 11:11). Tualeh migentheite satan leh neh dingte jong a tang ding a kilawmtan atang na uai le?. Tuabanah, vaihawmtute, milien milal leh thuneite khun ivaihawmnate uah thudih thuman toh ivaihawm na uoi le? I Bible in “Vaihawmna dih lui bang in

luongta hen, dihna khu luipi kang ngailou bang in luongta hen” (Amos 5:24) achi khu igam tahsap khat hi leh akilawmta hi.

**8). Atopna ding in lemna leh muonna igam ua atuntheina ding in pan ilachiet ding uhi.**

Awle, atomkim in genta lei. i innsungte uh, ikhotang uh i politicte uh ichidam tahtah sih a, asudamtheipa ikultah jet un ipoimaw chiet uhi. I gensa bang un igam ua lemna-le-muonna umtheina dingin koi e Israelte leh Pasian kikal a palai nna sem Abraham bang igam in ipoimaw tahzet hi. Tualeh Scotland gam a halthana tunna ding a, John Knox in, “Mangpa Scotland gam hing pie in, ahisih leh ka hinna la in”

chi a thum bang a thum mi ikul un ipoimaw uhi.

Tualeh Mangpa Jesu amutahtahte khun mite toh akilem ding uhi. Azieh ahileh Mangpa Jesu sung ah lemna leh muonna bukim aum hi. I Bible uah Pilat leh Herodte khu Jesu mansah ding a, akipieh tuohtuoh na lam uah atopin ang kihoutheita mawh uhi. (Luk 23:12). Alamdang mama khat ahileh amaute gel apientha thu uh imusih ua, ahin Jesu lemna kumpipa akipiehtuo tuona lam uah ang kihoutheita mawh uhi. Tuazehin, tutung in Mangpa Jesu hing pienna ding ilopna ding toh kituohin ihinkhuo leh igam ilei ah lemna leh muonna hingtungta hen!!!

## **MANGPA JESU LEH NIKODEM HOULIMNA**

*- Upa Thangzasuan  
Kanaan Veng, New Lamka*

Pharisaite lah ami, Amin Nikodem kichi Judate vaihawmpa khat zanlai in Jesu kungah avahawta hi. A kungah, “Rabbi Pasian akipan a hingpei Siepa na hi chi ka hing thei uhi. Pasian umpina lou in, koiman na sillamdang bawlte abawl thei sih ding hi, ava chita hi. Mangpa Jesun a dawng a akung ah, adihtah in kahing hil ahi, mi koipou apientha sih leh Pasian gam a musih ding uhi”, achi hi. (Johan 3:1-3 tan).

Tamna Mangpa Jesun pientha ding thu ana gen khu, Bible sung pumpi ah, mun khat maimai ah, akigiel hi. Bangzieh adiei? ichi leh tanglai, Guolneite leh, sawltah ten ana support lou zieh uh ahi



ding hi. Bang dia a support lou uh ahi dieile? Mihing ama ut thu a piengtha thei lou, piengtha ing chite zong, Pasion in pomtuonlou ding ahizieh ahiding hi. Bangdia apawmlou ding adiei le? Pasion pen Mi thuchil gil tah, dei chil gil tah ahi. A zieh in, Ama siam tha te chilou, apawm ngaingai sih hi. Tuazieh in, Sawltah Paul in koima kungah Napiengtha in achi ngai sih hi.

Tua ahileh bang ding a Mangpa Jesun Nikodem kunga Napientha ding ahi, achi moh adiei le? Tamnah, thuguh khat um ahi. Nikodem pen Pharisai te lah a mi ahia. Ama un mite hundam ding a dal ua, Ama uhlah, alut utsih uhi (Mathiu 23:13). Tuaban ah, Nikodem pen Judate Lamkaipa ahi. Ama un, Kaisal lounkal kumpi dang neisih ung Nazareth Jesu Judate kumpipa, Khross ah kilbeh un (khailia un) chite lamkai pa ahina lai hi. Tuaban ah, ava zan haw na zieh zong Hagau a lungleng lai hilou Hundamna thu lunggul la hilou, Nasil lamdang bawlte, Pasion in hin gumpi sih leh bawlthei sih va teh chia, vaphin ahizieh in, Ama a ding in vangam thuguh phal ahisih hi, (Mathiu 13:11).

Tuazieh a, thutah hil utlou in, sil hitheilou ding pi khat,

alungkham tha ding ahi, achi ahi, ahing buoita ngei a, Lamdang asata hi. Nu gil sunga nivei lut ding ahilou ngal leh, piengthei sih va, achita hi. Tuatah in, Mangpa Jesun, ابويزاب sem na dingin, Mihingta sui butlou ding, sil thum, agenbe nalai hi. Tuatah, Tui, Hagau, Hui toh kibang ahi, achibe nalai hi. Tuatah mihing suibut ding chi ahisih hi, Thugenpa 11:5 leh I Lengte 19:11, en-in, kagen utpen khu pientha dem kahisih a, ei-le-ei, kipiengtha theilou, piengtha ing chi nanlei zong Paisan tahsang lou ding pomlou ding ahi. Tuazieh in Sawltah Paul in mi koi zong Khrist a aumleh, silsiem tha ahita, chin agen zaw hi (2 Korin 5:17). Tuatah, Philippi 3:21, Aman sil zousie ama thuthu a aumsah dungzui in, itahsa thulim lou khu Ama tahsa thupi tah bangin, ahing boltha pieh ding hi achi hi. Ta bang thu te thei siem lou mi pawl khat in, mi kum 20/30 Pasion thu na awi sa leh, na gingtasa te kunga, napientha sih leh, vangam musih vateh, ava chi mawh upen, theina tahsap zieh ahileh hi a chi uhi.

Aumdan khu mi Class X (pawlsawm) zousa pa kungah, Lai nasimtha kia sih leh, laithei sih va teh, chi toh kibang ahia, Ama chi zieh in, Lai theilou in a umtuon diei le? tua toh kibang

ahilel hi. Adihtah a gen in, pientha napen Hundamna ding ana hileh a tawmpen in, mun 71-ah ana kigiel ding hi. Tuazieh in, mun khat chauh a kigel pen, ngaituo kham ching ahi.

Pasian kumtawn siltup, pilna thuo tampi lai a thuguh kiphuol, atapa ah, asubuchingta hi. Vaah lamdang tah a lut ding a miel akipat a hing han dohpa hoi nate napuon zah thei na ding un, noute pen, namtel, leng siempu, Nam siengthou, Pasian deituom, Ama mite nahi uhi. Nidanglai in Nam a sim tham nahisih ua, tu in pen Pasian mite na hita uhi. Nidanglai in lungsietna tang zou lou te nahi ua, tu in lungsietna (khotuona) na tangta uhi. (Ephesa 2:9-10).

Tami khu, Pasian kumtawn siltup ahi, tuazieh in, khelna in na tung uah thu anei nawnsih ding hi. Aziehpén Dan nuoi a um na hinonsih ua, hepina (lungsietna) nuoi a um nahizaw ta uhi. Rom 6:14-.... Tualeh noute, nakhel nate u'leh, natahsa ua, teptan lou na zieh ua, si nahilai un, Pasian in ama toh ahing suhingkhawmta hi, natat khelna zou sie uh ahing ngaidamta hi, Hallelui ah! Bat nalai, Dan thupieh a um, hingkal gige pen zong Khross ah kilbeh in, Alamang ta hi. Hallelui ah, Amen, (Kolosate 2:13-14).

Hundam ihina ding adal theiteng, Khross ah akil behta chi na ahi hi. “Kakipah mama hi, tu in vang, Hundampa nunnem pen Hepi pa in, ka hagau a hundam kia ta” A sisa, ahumdam kiata, achina ahi hi. Tuakhu ahi, Beltah Pasian ahi na, tua khu ahi, phattah Pasian ahina, tua khu ahi Pasian teng lah a, atungnunna, tuakhu ahi Genthei liengvaite Pasian ahina.

Tuaziehin, Mangpan Gingtute kungah Hundam ihi, tuazieh in Mangpan Gingtute kungah Hundam ihithei na dingin, bangma ang phuut (ang ngen) ngaisih a, Ama sil bawltheina leh ahépina lieulieu in ahing hundam ahizaw hi. Ama silbawl theina tellou in, ikihundam theisih ding uhi. Tuaban ah, Ephesa 1:19 nah hichin agen kia hi. Asilbawl theina thathatna, nasep dungzui in ei ama gingtate lam a asilbawl theina, thupi dan bang ahiei chi na thei na ding uh ahi, achi hi. Aumdan khu agingtate kung ah, asilbawl theina, ensah ut china ahi. Tuazieh in, na um na mun a, nakipientha vazauu pen, Pasian in pawmlou china ahita hi. Pientha nate, Hundam nate, ngaidam nate, Pasian ta hinate, siemtha nate, guolzawl nate, Hagau Siengthoute Haltha nate, Ei bawl thei ding ahisih a, Pasian

hing pieh ding vive ahizaw hi. Tuazong, agingtate kunga, apieh ding ahinalai hi, (Johan 1:12, I Tim. 4:10).

Hundam tan thei na ding in GINNA apoimaw pen a, Bible sung pumpi ah mun sangval ah akigiel hi. Bangzieh ama nachi leh GINNA panglou in Pasian lungkim sah zou ding ahisih hi. (Hebrai 11:6). Tuazieh in, Sawltah Paul in “Ginna ah na um na uai? Nouma ma ki enchien un, dachieng chingla khava uteh”, achi hi, (2 Korin 13:5).

Hundamna ding in ei bawlthei, thum a um hi. Kakhelna zieh in, Mangpa Jesu Khrist khailup in a um a, ipahtawi dingleh, Ana isep thei isep ding ahi. Tuate chilou adangteng, Hundampan a zawsa ahita hi. Ei kitahla na ding a um sih hi. Na kitaahla luot leh, kumpi Saul na bang kha giep ding hi, pil bang in, (I Samuel 13:12).

Tualeh, zatep, tuibuh, zu leh sa chite, ei Zomi te khanggui toh zawh khawm ahia, amawh bei thei ding chi ahisih hi. Tuate zieh a, Zoumi ihi uhi. Etsahna in, Punjabite a diel khuh zieh ua, ithei uh ahia, khu sihta uleh, koi in athei non diei? tuama bang a, zatep, tuibuh, zu leh sate, ibawl zieh ua, Zou mite ihi uhi. Etsahna

in Punjabite adiel khuh zieh ua, ithei uh ahia, khusih ta uleh, koi in athei non diei? tuama banga, zatep, tuibuh, zu leh sa te, ibawl zieh ua, Zou mite ihi uhi.

Hinanleh tuaten Hundam ding a dal khasih hi, Mathiu 15:17-, Mak 7:14-, Kolosa 2:20. Ana sim mawng mawng in, neh-le-don te, Hundamna adal khasih hi, chi na thei mai ding hi.

Tunia ka thu gente, koima ka dem na ahisih hi, kum sawmguh val Bible kana sim, kamu leh ka thei te, u-le-nau ten aphattuompi khah leh chia kahing gel ahi zaw hi. Phattuompi ana sawm ta un. Tualai i Speaker-te un bangteng mawh gen un, Hattuomte, apei lung a gawp ua, poi kasa hi. Jesu nei un, achite uh, sil hitheilou ahi, gintat ding ahizaw hi. NEITHEI chi ahisih hi, ahilou lamlam a, thugente, Sawltah Paul in hamselaw in umhen, achi hi, (Galatia 1:7), tulai hun adia agen ahi, nasim in. Simtu zousie Mangpa'n theisiem dingin hing guolzawl ta hen. Amen!!

(Koipou atheisiem lou leh athei ve ut ten Tangkou tungtawn in hing dong ta un, Gen ding tampi aum nalai hi. Lungdam e, um nuom Hattuom, Misiengthoute zousie, Mangpha).

# PASIAN ZONG KAP TEIVA!

(Johan 3:16)

-Upa Khupsuankham

**Thumapui:** Mihingte bangchituh in gilou in khielta nanleh Pasian in a iit vatun a, kumtawn a ahin theina ding in la pi asielsahta hi. Pasian in mihingte siemmaw tangsah ding leh mawpai ding a Atapa (Jesu) ang sawl ahisih a, ahin theina ding ua ang sawl ahizaw hi. Pasian a misiem, midih a koi ahita ua, atungtang uh dawi-le-kau leh mihing koima in asubuoi thei nonsih ding a siemtangsah Pa khu Pasian ahi chi itheisiem ding uhi. Pasian in mihingte bangjeh leh bang pentah jieh a, bangpen deigaw a tambang lawmlawm a, a iit a, Atapa tangkhat neisun kisan ittlow kei a mihingte khelna tandoh ding a angawl atalawm diei chia ka ngaisutsut a ka tuotuo leh ka tuotmaw lienga, agenchien dingdan zong ka thei zoulou bep in “Pasian zong khatvei teng amo khat zong atalawm diei chi zong ka gelkha jel a, ka genkhiel ahi tahleh Pasian in hing ngaidam zawta hen”.

Pasian in mihing asiem in Ama hinna thu (Hagau Siengthou) Gen. 2:7-Ama a umpen, Ama kung a akilekia lou ding a ngaisut chieng in apawmna a, tuni dong in eilam ah abil adaw zing nalai hi.

Tuazieh in, mihingte tankhie dia Pasian in Atapa JESU ang sawl ahia, mihingte tahsa deigaw ahisih a, “Lungtang leh Hagau” deiman a, “Kata na lungtang hingpie in” chi zong Bible ah imu uhi, (Proverbs 23:26). Tuazieh in Pasian zong kaptei va ka chi hi.

Mikhat lampia apeilai in thawmging khat aza a, akinuohei leh Jesu migilouten amat ua, Kross pawsahin bawngawl in ahawl ua, bawlsietna chingteng in abawlsiet ban uah chiemnui nan anei ua, Linglukhu akhusah ua, teipi in adawt nalai uhi. Mihing khat tambang a kibawl talawm valong kachi leh

chizat huoi zong kasa a, ameng-alien leh alal ten zong khut thauhauna in anei ua, asatung pumpi avuohna uh amaliemna khu misiemte gendan in mun 5840-pha hi. Jesun, akhut leh akeng a innkil khetna ding in khetbul akhut a tawi in amu a hakou a akikou vang in koiman azapha sih hi. Tualeh Jesun ama bawlseten dachieng a atuoh ding uh amu zieh in angaingam sih a, Apa kung ah, “Pa vaw, amauhte ngaidam in, asil bawl uh atheilou zieh un ahi” Achi hi chiin Apa kung ah ngaidam angetpieh nalai vaset hi (Luk 23:34).

Tuazieh in unau sanggam aw, nguntah in ngaisut phavai in, mihingte i gitlou, i thumanlou zieh ua, singlamte dawn ah asisan mantam tah ang sungbuo ahi a, tam khu nang leh kei ang iitna lieulieu ahi. Pastor Thenga khu Philippine a Doctorate zil a a-umlai in, Burma lam mi nupa khat azi in nau anei a, vangsiet huoi

tah in azi in ashisan a, nausen pen adam hi. Nausen pa in anasep toh nauching theilou in nauching ding khat aguoi hi. Ahinuo bangtan ahei in Pastor pa leh azi in shina tuohte inn ah bang nachi zel uoi? chia adoh leh naupen pa in Pastor pa vaw! ka lung akham mama a, ka nasepna ten lah ang hanhan ua, ka tanu ching ding a ka guoinu lah tunitan khen ah nausen ka chingman nonsih ding achia, ka lungkham chin a dawng a, Pastor pan bang hileh thumna khat neivai chiiin a thum a, athum zou in nausen lupna lam (bedroom) ah pei in nausen khu ava enta a, Pastor pa khu Pasion in tambang in ahoupai hi. “Tami nausen khu Jesu hitaleh kaplou-dailou in nuoisie talechin bang chin na ngaidiei? chin ahoupai a, Pastor pan, Pasion ta ahileh keplou in ka nuosie sih ding a, kavah ding achita hi. Pastor pan ka theilou kal in Vansawltah ten ka inn uh ang kimvel dan uh ana hil hi. Pastor pan nausen neipa kung ah naphal a lem nasah tantan kang kem ding ua, kang vah ding uh chin angen a ama vang, kou zong mi neizou kahi tuomsih ua; “Kazi in puon akhui a, ka tategel sekul akai ua, kei zong college kai kahi bou uhi” a chi hi.

Nausen pa in Pastor pu aw! Tua nachi theileh ka kipah mama ding a, ka tanu khu Pastor innsung a khanglien ding kachi leh ka kipah sengseng a, na kep ding uh pha kasa a, tambang khel a vangphatna ka musih ding chin atanu khu Pastor pa kung ah pekhie in a innlam uah

azawpita uhi. Pastor pate nupa inn atun un nausen vah dingdan akihou ua, eima innkuon in zong bang ne a, bang dawn ding achi ua, Pasion muong ulei, Aman hing keppei nava chin bawngnoi, diaper, apuonsil dingte leh akul dangdang aleita uhi. Atanu nitegel in tammi nausen a vomvom toh, melsie nalai, kapkap nalaiset bangchi vah ding, igenthei kibelapna ding hilou i? chin anu leh apa a awimaw uhi. Tuachin anupa un nauching akiha gelta ua, zankhat Pastor pan nausen akaplai khu JESU mel bang in amuta a, a iit semsemta hi. Tualeh a innkuonun nausen mulou in a umthei tasih ua, avai kuon-avaitun simsiel un etmasah pen in aneita uhi. Nausen zieh in Pastorte innsung khu anop in anopta hi.

“Nausen leh mi genthei khat ikep a ivah khu Pasion guolzawl tanna ahi chi khu manghil sih vai” Unaupa Pu Pumsuonthang in atapa Zamboi shi in aluong tung a athugenna ah, “Ka tapa amibanglou kakep zieh a Pasion ang guolzawl ahi” chin apulah hi. Nikhat Pastor te inn ah nausenpa avahaw a, Pastor pu vaw, kei zong Philippine a sawt umtheilou ding, Burma a kaki lekie ngaiding chin Visa leh Passportte zong ka ngaituo hi” chi hi. Azingni in, Nausen pa khu Pastorte inn ah ava kholai vah kia a, Pastor pu aw, thai a pei ding in Vanleng ticket zong kalata hi, achia nausen toh akikhen ding zieh in Pastor pa lungtang tei a sutma bang in naa asata a, Pastor

nu in tambang in nausen ahoupita hi. Tuami zan in Pastornu'n, Boinu jaw! "Bawngnoi kangpieh atawpna, na diaper kang hensah ding zong atawpna, kang sil zong atawpna ahita ding chin kap pumpum in nausen vanken dingte bag sung ah aguongta a, Pastor pa zong ki-ip joulou in akapta hi".

Azing in Airport a ding in kari ah apei ua, nausen umlou ding zieh in ada ua, koima aham leh aphun zong a um tasih uhi. Pastor pan nausen khu atawi a photo akilahpi ua, last kiss chin ngawngkawi in mipi lah a zong zumzou talou in akakhum ua, Pastor pan nausen asisan a hingpa, apa kung ah da kawmkawm in apeta a, vanleng sung ah alutpita hi.

Pastorte nupa zong a innlam uah akilekia ua, atuntun un nausen umlou ahizieh in a inn uh adai in adaita a, zusip-vasip ma bang in a innsung uh amielta hi. Pastornu a inn uh zong da sengseng in a saga seat touna tung senan akinei a, akapkapta a, Pastor pa zong a pindan a lut in Bawinu nang umlou in bang kachita di uoi? chin akap a, Pasian kung ah thu angenta hi. Azanlai in Pastornu in Bawinu aw! Na bawngnoi dawn ahunta, na diaper hen ahunta, na puonsilte zong hen ahunta, na ksil hun zong ahita chin anau kepdante amit ha a kilang in hasiet huuoi asah zieh in akapta hi.

Azingkal a atanute sekul kai a, akuon kal un, zinglam nai 8:00am vel in nausen asil hun in,

Pastornu ksilna (bath-room) alut in akap a, khotheilou in a konlawm a, Pastor pan amehmeh a Pastor pa lah college kai ding ahizieh in a innveng a CHINA nupi nu va han in, abuoipi ua, Pastor pan zong college kai ding in akuon santa hi.

Pastorte nupa in nausen khu asung ua pieng hisihnanleh ahepi taseng ua, ha sagi (7)- akepnuo un, nausen zong ang khanglien deudeuta a, anuiteita a, Mama, Papa, Nunu hing chithei in, abohvah theita a, nui aw, achi chieng un zong anui theita hi. "Hakhat sung mawngmawng Pastorte innkuon in nausen puldouna hun in amangta ua, avul niingnieng uhi" Vangam itun chieng in itahsa mel umdan akihengtaa ding a, hinanleh Jesu mel kihenglou in akhut leh akeng siakil a akikilna mapawnte a um nalai ding hi.

Pastor Thenga a college ten abawl zel uh bang in Study Tour a ding in Burma a ding in guot in a um a, nausen pa in athei in a phone a, Hello Pastorpu! Burma a nangpei ding thu kanaza a, kakipah mama a, nausen ann piehna bawm (feeding bootle) hoikhat ahitheileh hing puoh tave mo? chin avaihah a, Pastor pan katanu ann piehna ding ahileh chin kipahtah in Philipine sung pumpia hoi penpen lei ding chin ni thum (3) sung mawngmawng asui leh amuzou sih a, atawp ah ahoi khat amu khong a, alei a apawta uhi. Pastorte nupa nausen mukal ngahla in a tunkal uh bang angahla ua, atun un nausente inn ah azingtung uhi.

Nitah zaanlai in, nausen pa in atanu Pastorte nupa toh lumkhawm ding in asiel a, hinanleh khuo ang vah phet in akapkapta mai hi. Tualeh, Pastornu in nausen puon ding alet chiengtan a asilthei ding zong akhui a, apuo hi. Atanu adeisah seng zieh in midangte puonkhui ding zong khui manlou zen in nausen a ding chauh abuoipi hi.

Pastorpa silhoi bawl zieh in hasatna leh buoina tuomtuom atuoh zieh in miten hanthawmna thu agen ua, Pastorpu bang igenta diei! Na silhoi bawlte zieh in Pasion in atamzaw sem in ang guolzawl ding hi chin ahenem ua, Pastorpan adih hi, ahi vang in guolzawl nate sang in nausen khu ka kung ah umleh ka nuomzaw hi achi hi (Mat. 25:40).

**Tamna igen nop pen khu:**  
“Ei lei mihingten Pasion hingiitna itheisiemlou zieh in i mimal, i

hattuom, i pawlpi sung leh Society sung uah buoina leh natna tuomtuomten ang imm kimkot gamta a, ita-inaute zong thumanglou in a um siengta uhi”

Khristmas kuon chieng in tukum Khristmas ah bangsa toh namang ding uoi? Ki pawlkhawmna bang na chi bawl uoi? Budget bang nachi siem uoi? chi thu i kikupna uh ahi sang in tukum Khristmas ah; “Jesu bang chin na lamdawn ding uoi? Jesu Pasion itna i bang chi theisiem di uoi? Bangchin i kingaidamtuo di uoi? chi khu i kidohna uh hisah lei”

I Pasion iitna sang a aguolzawl nate i deizawh zieh in i gam abuoim gamta chi theisiem in Pasion iitna theisiem ding in i kichiel ua, eite ang iitna zieh in “Pasion zong kapei va” chi khu i thupi pansan ahi.

## THUMAAAA

- Upa P. Khamminpau,  
S. Vengnuam Local Chairman

Simtute bawn un Chritmas chibai kang buh hi. MANGpa'n i sep na uah eite sim na dan in kumtawp kuon a ding te ihi man un tamtan hing puipa Pasion ahi chi phok kom in ama tung ah i kipahtu i gen uh ahi.

Tukum (2021)- sung in it leh ngai tampi ten shina hanmuol hing liemsan ua, amaute i ngai un i phawh ua lah Mangpa thu tansa shina ahiman in Mangpa tung ah i sunna leh i ka nate kipahtu igen uhi.

Khristmas kuon hita tukim bang chi lop ding chi tampite patau guk hiding in ka gingta/um hi. Khrist nasep nate i ngaitua kia chieng in apienna thu kipah lou thei ihisih hi. Hinanleh, ama gentheitah leh liengvaitah in gan an piehna mun ah zankhuo dai dam nuoi ah ahing pieng hi. Hithu tangkoupi in

vansawлтаhten patawina laa kilawm tah sa in Tungnung pen ah Pasion Thupi henla leitung a akipahpi mama mihingte tung ah lemthu leng hen chi in la asa uhi.

1. Tukum 2021 kum Khristmas Thupi ding a i tangtel uh ahileh Khantanhoi Luka 2:14.

Tungnung pen van ah Pasion Thupi henla, leitung a ama lungkimna mama mite lah ah lemthu leng hen achi uh vantung leh leitung a mihingte kikal a zong lemna alen ding chi vansawлтаh lasah ahia, leitung a lungdam na mite tung ah chi ahi van a mite alungdam ma bangin Mihingte zong lungdam ding kidawm hi Van a min abawl bang un lei a min zong bawl uh hen chi ahi Pasion leh mihing kilem loup i in lemna thu i tung ah tung ngailou ding hi.

2. Eden khelnate zieh in Pasion leh mihing kimelma Eden pualam ah holkhiet in umta hi. Tahsa shina leh hagaulam shina a pan suotat thei na ding in, Pasion in a hepina zieh in tahsa pumpi savun puon a bawlsah a ahing silsah hi (Gen 3:21).

Hibang sietna mihing ten inei lai un, Pasion in ahepina zieh in Tapa Jesu Khrist leitung ah mi zong ding in ahing sawl hi (Mathai 1:21, Luk. 19:10, Rom 5:8, I Tim. 1:15).

3. Mary pen nungah siengthou Nazareth khuo a hing khanglien Pasion adia muonhuoi mama ahidan imuthei uhi. Joseph bang mihoi leh

Pasion adia muonhuoi mama ahi dan imuthei uhi. Jesu Khrist hingpienna ding in Joseph zong leitung mi dan in kiteng uh a, Joseph leh Mary mihau talua hilou uhi, Pasion in mi thutah muonhuoi leh Pasion a dia kikem siengthoute ama mite ahi dia dei ahi chi thei ni. Khristmas i zat akipat Pasion adia hinkhuo kikem siengthoute hidin i kichiel uhi.

4. Eden talsa guabang a hinkia na ding simlei hundampa ahing piengta chi la pen Khristmass tun teng in kisa hi. Tami la pen langai mama khat ahia, tami la akisah kei leh Khristmas tung manglou banglou bang a, nungah leh tangvalte bang amanglou bang a kingaisut uhi. Ala hoi a hing kipandoh e chi a tam chin sau lou sut khawm lei ichi uhi.

Tami laa phuoh pa ahileh Upa Thanherha ahia, kum 1894 in apieng a, apa Lallianna ahia, anu ahileh Lalchhuankholi ahi. Kum 1904 in Tuivaikuol a Letzakhai khuo min/et ah apem ua, 1917 in kidoupi na-1 nalai vel in France gam a vahawte Tuito galkap lah ah atel kha hi. Tuito galkapte khuo tuomtuom akipan ahing kingah khawm un, Aizawl a kingah khawm uhi. Upa Thanherha in kibuonna ah khatna avala hi. 1919 Hriang tuinek khuo a Khristian te lah Thanherha zong saptuom Upa ding in telching in aum hi 1920. Tualeh, 1923 Thanherha Daidou khuo ah lal/pem in 1929 in Senvon khuo ah ana pem uh hi. 1949 in Lamka Khopi Saidan ah pem in 1978 kum in leitung a khuolz in na asep Mangpa



atangtawn khawl na apeta hi. Upa Thanherha tanchin hi tan thei in aum hi. Miten ala phuak atuom abawl un alet ua bang chi nasa ei achi leh hamtuom ahiman in poilou achi hi.

5. Jesu Khrist pienmun Bethlehem Mathai 2:1-6 Laisiengthou ah Bethlehem khuo ni aum a, khat Zebulun gam a Bethlehem Nazareth apan mel-11 in gamla hi (Jos. 19:15). Jesu Khrist pienna Judia gam Bethlehem khuo ahi. Tam Bethlehem khuo min masa pen Ephrath ahia, Palestine gamsung a um David Khopi chi thei in um hi. Gen. 35:19, Luka 1:26-28.

Laisiengthou a imudan in Bethlehem khuo neunou khat hinanleh Ruth ten na khuo leh David pienna khuo ahi (ISam. 17:12). Jesu Khrist hing pien na dia bang zieh tami khuo hisese ahia ichi leh Pasion in mi kingainiem mi liengvai leh mi simmaw leh nelsietahte kisia a Pasion hing bel ding uh adeina zieh ahi.

Belam chingte kung ah Jesu Khrist pienna thu hil masah pen in um hi.

6. Belam ching mi i chite mi simmaw huoi a umte ahi uhi. Judaten Pasion umlou a koite uh ahi zieh ahileh Sabbath ni nasan a belam te uh ching in gamlah ah umden ua, Sabbath khawl ni khawl ni in zong khawl lou hi, mite nuaisie leh simmaw huoi nanleh zong Jesu pien ding amaute kungngah hil in na um sese hi (Luka

2:8-14).

7. Zintun na inn a tunsah tah kisai salou i genlai ding. Laibu gel minthang Para Mana Dam in, 'Life of Christ' chin anagel na ah. Hibang in zintun na inn ana gel hi. Akum kum a kikoi hinanleh khuolbuh ngah pan sum leh pai etla na zieh in midang ana koi a, Jesu Christ khuolbuh ah hi ou in, mundang ah gan ann piehna kuong a na zintun in ana pieng hi.

8. Tulai in mi tampite a Khrist hinkhuo uh leh aginna uh mi bangzat in ama ahasua diei chi ka ngaisun hi. Azieh ahileh, Covid-19-apan hagaulam hinkhuo kisakholna um nangsang in aginna uh hasua kitam ding hi. Kum nitang phiel biehin kikai lou chi mawhpen thu na mailou hi. Kamin zieh in mite huot in na um ding ua, kei ma zieh ma in tha in na umding uh chi i i Laisiengthou hing thuhil dan ahia, ei Khristian te adou ding leh anang ding hi hang a, nang ngamlou ihi chien gin iginna uh hasua petma ihikhadie chi kivelthah lei uthuoi isa uhi. Tunzong bang teng igen hang in Khristmas te azang ngamlou zong kiumlai maithei hi.

9. Kithoina sang in Thuman a hizaw hi chi Laisiengthou sung ah muthei in um hi. Mihing thu i man sang in Pasion thumang le hang bitding leh lungmuong ding ihi. Pasion thu lampang ki ngaisut lou in Modi bang thu apuong ei chi kibuoipi zawta hi. I Laisiengthou sung ah hipi a lengding chi muntam tah a kimu hi. Mathai leh

Luk ah kimu u hi. Luka a hileng ding chi dei genna ah Jesu hingpei na ding anai chithei in um hi. Thukhunlui ah hipite Pasion khutnung ma ahi chin akigen hi. Covid 19 pen China gam a hing kipan ahi chi ahi a, leitung ah mite suol leh thanguoi gop ahitah man in Pasion in China te zang a hi chi bang na hing sep sah adiei chi ngaisut tham hi. Mangpa mama kikou aw toh Angel tungnung pen aw toh vanthawmjol ah hatna aw hing gingta leh tuahat na aw te lah

lahtou in na um diei unau kivel tha ni. Tutan a biehkai nai lou jong kium nalai hi ve aw, na innsung ah kibu le chin zong na shi hun ang tun chieng in na shi thouthou ding shina zaw lah neilou natna in lah jau nei hetlou hia maw. Shina na innsung a ang tun chieng in na shi thouthou ding hi. Gel kхийel, sutkхийel leh genkхийel a um leh simtute zousien hing ngaidam ding in na ngaidam na ka hing ngen hi. Mangpan thupha hingpeta hen aw.

## NA GAM HING TUNG HEN

(Mathiu 6:10)

*Tuaziehin tambangin thum un: “Ka Pa uh van a um, Namin kizatat hen, NA GAM HING TUNG HEN, na deilam van a akibawl bangin, lei ah zong kibawl hen. Tuni’n nichin a ka neh ding uh ann hing pie in. Ka leibate uh ka ngaidam bang un, ka batte uh hing ngaidam in. Solna ah hing puilut sinlen, gilou lah ah hing hunkhe zawin, gamte, silbawltheinate, leh thupinate kumtawn a Nanga ahizieh in, Amen! chiin.”*

### Thumapui:

#### 1. Mangbiehna/Mangpa thumna:

Tam “**Mangbiehna**” kichi khu tulai ngaidan in tamtah a um a, **Mangbiehna** i chi lai un khenkhatten “**Mangpa thumna**” chi ding ahi chi pawl a um uhi. Hinanleh kei pen in vang Mangpa thumna chi ding ka phal theisih hi. Aziehpem Mangpa thumna hilou in Mangpa Jesun a Nuajuite kung ah “**Na thum chieng un tambang in thum un**” chi a a thum ding dan uh a hilna ahizieh in Mangpa thumna hilou in Mangpan thum ding dan a hing zilsah Mangpa Pasion i biehna uh ahizieh in “**Mangbiehna**” chi ka pomzaw hi.

Tualeh tam Mangbiehna khu thumna mai hilou in Pasion kung a kichiemna zong ahi hi. Peidan ni in khen thei ahia, khatna ah Pasion kung a ngetna/thumna ahia, a nina ah eima bawl ding Pasion kung a genna/kichiemna ahi.

**Thumna:** Ka Pa uh van a um, Tunin nichin a ka nekkhop ding uh ann hing pie in. Ka batte uh hing ngaidam in. Solna ah hing puilut sinlen, gilou lah ah hing hunkhe zawin.

Tam khu Pasion kung ah nichin Hagau anneh ding ngetna, Batte ngaidam ding a ngetna, Solna a puilutlou ding leh gilou lah a hundam ding a ngetna ahi.

**Kichiemna:** Ka Pa uh van a um, Namin kizatata hen, **NA GAM HING TUNG HEN**, na deilam van a a kibawl bangin, lei ah zong kibawl hen. Ka leibate uh ka ngaidam bang un, (ka batte uh hing ngaidam in) gamte, silbawltheinate, leh thupinate kumtawn a Nanga ahizieh in, Amen!

Ka Pa uh van a um (Van a um Pasion khu) Amin zatata ahi theina ding in eite tungah mawpuohna a um a tua mawpuohna semkhe ding a kichiem in Amin zatata ahi theina ding in Pasion deina bang a gamtat ding ahi.

Na gam hing tung hen chi khu Rapture hilou in Pasion umpina genna ahi. Tambang a Pasion gam i lah ua a hing tun theina ding in eiten mawpuohna i nei uhi.

Na deilam van a a kibawl bangin lei ah zong kibawl hen. Mite bawl ding hilou in eite bawl ding a mawpuohna nei i hi dan thei a Pasion kung a kichiemna ahi.

Ka leibate uh ka ngaidam bang un Ka batte uh hing ngaidam in. Pasion in ahing ngaidam theina ding a eiten midangte ngaidam masah ding china ahi.

Gamte, silbawltheinate leh thupinate tangtawn a Pasion a ahi chi thei kawm a i hundamna nna sem ding ihi.

1. “Ka pa uh” chi khu koi ahiei? Pasion hei a um ahiei?

Ka Pa uh chi khu Pasion ahi. Aziehpen aman “Pasion tate na hi uhi” a hing chi hi (Tam anei a Bible tangten ahing hilchien mama hi) (1 Johan 3:1&2; Eph. 2:19; Johan 1:12 Pasion khu Van ah a um a, mun zousie ah zong a um (Lapite 139).

2. “Na min kijatat hen”. Bangchi dan in? Bang zieh in?

Hallowed (Siengthou tah a jatata) china ahia, Pasion khu zau leh giin thaw ding hilou in zatata ding ahi.

A gitlou zieh leh a thunei zieh

hilou in a Itna ziehin ama khu zatat ding ahi. (Johan 3:16)

1 Johan 4:8 ah “Pasian khu itna ahi” ana chi hi.

3. “Na Gam hing tung hen”  
Pasian Gam heitah/bang ahiei?

Mathiu 3:2ah Baptist Johan in “Kisia un, vangam anaita hi!” chi a ana tangkou pen ahileh Rapture gen hilou in Jesu Khrist in tatna nna a hing sepna ding a naita a, Ama Jesu Khrist khu hing pei ding a i khelnate apat hing hundam ding ahi a china ahi hi. Jesu hing pei ding zieh a Johan in tam thu a gen ahi.

Luk 17:20-21 ah “...Pasian gam pen mu theiin ahing tung sih hi. ...Pasian gam khu na lah uah a um hi,” - Jesu (Nouma ah... (Bible lui ah). ana chi hi.

4. “Na deilam van a min a bawl bang un lei a min zong bawl hen”

Pasian Gam ah Pasian deilam a kibawl hi.

Vangam a i um ding bang ua Lei Hattuum ah zong i um ding uh ahi. Tua khu Pasian dei bang a umna ahi. Tuaziehin Laphuotu in “Innsung nuom

khu vangam naipen ahi” ana chi hi.

5. “Ni chin ka nekhkop uh ann hing pie in”

Tam khu lungkimna ahi. Pasian hing pieh bangbang a neh ding i nei nahleh lungkim ding ahi chi genna ahi.

Pasian Gam ah tan tawh a lungkimna a um.

Pasian Gam a lungkim theilou “Lucifer” ahia, Pasian tung a len sawm in a dou a lei ah totkhiet suh in a umta hi. Tualeh “Evi” in zong Pasian in neh thei ding a chi theiga tuomtuomte a lungkim mailou in gul in a neh ding a chipen ana neh khahtah zieh in tuni tanpha in i thuoh uhi. Lucifer khu Vantung a lungnuom tah a um ding lai Leitung sena in a kinei a, tuachi ma bang in Evi leh Adam zong amau umna ding a kibawl Eden huon ah nuom tah a um ding lai um thei nawnlou in Setan umna mun Leitung ah nawkhiet in a umta ua, tua khu tu tanchieng a mihingten i gentheipi uh ahi. Tuaziehin laphuotu Hrangkapchin in tambang in laa ana phuo hi.

Tualeh tam tang khu tahsa neh ding mai genna hilou in Hagau ann nichin neh ding ngetna ahi hi.

Tahsa neh ding mai gen ahilou dan Mathiu 6:31-34 ah tambang in a gen hi.

“...“Tuaziehin zing chienga dingin lunggim sih un, aziehpén zingín ama a ding silte akilunggimpi na ding hi....”

6. Ka leibate uh ka ngaidam bang un, ka batte uh hing ngaidam in. (Ka tung ua khielte ka ngaidam bang un kou mawna zong hing ngaidam in - Bible lui ah)

Vangam khu ngaidamna bawm lienpen ahi. Pasion melma lienpen suoh a i um nua un zong A Tapa tangkhat neisun toh tatkhiat leh lei ihi uhi.

Pasion ngaidamna i nga theina ding un ei tung a khielte ngaidam masah a ngai hi. Tam ngaidamna khu pienthana dihtah ahi. Pasion ngaidamna i tan nua un zong pua thei ahi.

Pastor Kamhau in a thugenna ah (Tam tahsa khu Jesu toh shikhawm ahita a, tu a hing khu kei hinawnlou in Khrist ahizawta hi - Tuaziehin zu dawn thei, khamthei, gui thei bawl thei hinawnlou hi. Pasion deilou lam sem zelpa Jesu toh Kross ah shita a, tu a hing khu Khrist ahita hi) a chi hi.

7. “Solna ah hing puilut sinlen, gilou lah ah hing hundam zaw in” Pasion Tate hinanlei eilam apat zong khiellou ding a mawpuohna nei ihi. Atangpi in khelna khu i del thaw uh leh ahing hup (Magnet) ahi.

Tam thu ah kinielna nasatah a um a, bang ding a Pasion in khelna a hing puilut ding e? chi pawl zong a um hi. Hinanleh mi khat Pasion in guolzawlina apieh a, tua Pasion guolzawlina zieh a kichapousah leh mite simmawna a a zahleh tua Pasion guolzawlina in ama khu khelna ah a puilut china ahi. Pasion guolzawlina leh silpiehte khu i zah siemleh Pasion loupina ding a zah thei ahi lai in i zah siemlou chieng un Pasion zong hing kigamlasahu leh khelna a hing puiluttu ahi thei veve hi.

“Fundamental Rights and Fundamental Duties” Laisimten i thei ding ua, leitung ah zong sil khat bawl theina ding thu i neileh eilam apat in zong bawl ding leh bawllou ding a um zing hi. Sil khatpou i bawl thei ua, hinanleh sil zousie bawl thei ahi mawhsih hi. Eima a ding a sil khat i bawl lai un midange sietna ding ahileh dan in phallou zelhi.

“Pasion in Vanney a it sengseng a.... a gingtaten kumtawn hinna a nei theina ding

un A tapa Tangkhat neisun ahing pie hi” chi Bible tang ah Pasion in Vanney a it zieh a a Tapa tangkhat neisun ahing pieh thu a gen a, hinanleh ei mawpuohna khat a um veve a, gintat ding chi ahi. Tuaziehin Jesu hing shita nanleh i gintat sihleh Hundamna kitang thei tuomlou ahi.

Pasion guolzawlina khu (Technology) gam tamtahten phatuom tah a a zah lai un North Korea gamten misuomna in a zang ua, tuama bang in mi tamtahten phatuom tah a i zah lai un tamtahten sil hoilou bawlina in i zang thei uhi.

8. “Gamte, silbawltheinate, leh thupinate kumtawn a Nanga ahizieh in, Amen!”

9. Pasion in A umpina apat taikhie leh um zing mimasate:

Saul, David, Samson, Juda Iskariot, Abraham & Sari, Siempu Eli, Elija, Solomon.

Joseph, Joshuo, Daniel leh a lawmte, Elisha, Nuajuite (Martar) tamte khu Pasion gam a a um zing zieh un shi zong khawhsa lou in Pasion a ding in a hinna uh ana pe phal uhi.

Thukhumsin:

Tam Mangbiehna bang a ei duty i bawlleh Pasion gam i lah ua hing tung ahi mai hi.

Pasion gam khu a deite kung ah a um zing a, hinanleh a deiloute kung ah a um theisih hi.

David sathau nu ding in “Kei pulam en ka hisih a, sunglam ngaituona en pa ka hi” Mangpan a chi hi. (1 Samuel 16:7)

Tuaziehin ka lungke sih uhi, ka pulam mihinna uh zawngkhal semsem nanleh, ka sunglam mihinna uh pen nisim a siemtha in aum ngitngat hi (1 Kor. 4:16).

Tuni in “Na Gam hing tung hen” chia Pasion kung a i thum uleh ahing tun theina ding in eima i kipumpieh masah a ngai hi.

Tuibel a tui i koi theina ding un tuibel khu awnsah masah a ngai a, a sung a umteng i lahkchieh masah a ngai hi. Tua bang in i sung ua Hagau ahing ten a Pasion gam ahing tun theina ding in eima a um khelna zousie leh Pasion deiloute zousie paikhie in ki-awngsah va ui. Tua hileh Pasion Hagau in ahing luo dim thei ding hi.

# ZPYF COMLUMN

ZPYF in Pasion mapuina kinem in ahing tung ding date 21<sup>st</sup> to 23<sup>rd</sup> January, 2022 chiangin Zomi-Colony Presbyterian Church ah LAKUTPI nei kisawm ahia, Thupi : **“Nuomsatah in Mangpa phat un “Late 100 : 1** na pansan in Khanglaiten i lungsim tengteng toh ,i hatna tengteng leh i lungtang zousie toh Pasion Phat ding in kisingsa chiet va ui. Tamna Nuomsatah a Mangpa i phat theina ding un Pasion in khanglaite lah ah na hing sem in khanglai kiphah tamtah te hing um in Prizes te bang ahing tuoh ua , Amaute ziehin Pasion min i phat uhi. Prizes sponsore te list leh a awng nalaite tam anei a bang ahia, Koi zong kiphah i umleh tuoh thei nalai ahi chi i kitheisah uhi.

No.	Prize	Amount	Sponsor tu	Address
1.	Pupa la 1 <sup>st</sup> prize	10,000	Upa.Lamkhothong	Central Church
2.	Pupa la 2 <sup>nd</sup> prize	7,000	Tv. Suanmuanthang	Awnchinkap khuo
3.	Band 1 <sup>st</sup> prize	10,000	Nh.Tina Chiinhoikim	Hiangzou
4.	Band 2 <sup>nd</sup> prize	7,000	Nh.Nianghauching	Tangpijol
5.	Solo 1 <sup>st</sup> prize	10,000	Nh.Boinu Vungtulniang	Teiseljang
6.	Solo 2 <sup>nd</sup> prize	7,000	Nh.Marry Nianghounuam	Teiseljang
7.	Awards :-			
8.	Best Artist	1,000	Pa. Khamsanglian	Muallum
9.	Best Band	1,000	Pa. Tuonlienhou	Central Church
10.	Pupa la	1,000	Tv. PG Lamthang	Zomi-colony
11.	Choir Conductor	1,000	1.Pa Khupvanglian	Manniang khuo
			2.Pa S. Kaiminlal	Manniang khuo
			3.Pa Khamasanglian	Muallum
			4.Tv. Kapsuanlian	I. Gangpi mual
			5.Pa. Khupsianthang	Muallum
12.	Album bawlte	1,000	1.Nh.Chinglunkim	Maukot
			2.Tv. Khailiankhup	Tuibuong
13.	Labu	20,000		
14.	Badge	10,000		

Tam Prize sponsore dingte akim sese lou a zong eima ngap dandan/zaza a pan thei ahi zing hi.

Mangpan Khanglaite hing mapui in hing umpi zing ta hen.

Nh. T. Naomi Goulianching, Youth Co-ordinator, ZPYF

## **ZPWF Column:**

### **August - October ha sung a TUNNU LIMBEL PANPINA PETE: OCTOBER - NOVEMBER ha sung a TUNNU LIMBEL panpi na pete :**

1. P Church, New Zoveng , Jubilee Maitam	Rs.	6150/-
2. Dimkhanvung, Lailam Veng	Rs.	1200/-
3. Vungmang , Lailam Veng	Rs.	500/-
4. P. Chuch , Tuining	Rs.	1200/-
i. Upa Ginsuonkhai	Rs.	450/-
ii. Rev. Mangmuonthang	Rs.	200/-
iii. Upa H. T. Manga	Rs.	100/-
iv. Pa. Paulienkhup	Rs.	250/-
v. Pi Chingboi	Rs.	200/-
5. Nianiang, Moreh W/No. 2	Rs.	5000/-
6. Julie Lamnu, OK Veng	Rs.	1000/-
7. Nianglunching, Aizawl	Rs.	5000/-
8. Niangpi , Zomi Colony	Rs.	6000/-
9. Nousuanching, Central Church	Rs.	1000/-
10. Donneiching, Central Church	Rs.	500/-
11. S. Hangmuonthang, Central Church	Rs.	500/-
12. Chiinmuankim , Central Church	Rs.	1000/-
13. Lalboi, Maukot	Rs.	1000/-
14. PWF Zomi Colony, Anntang tang	Rs.	470/-
15. PWF Saiboh , Anntang tang	Rs.	3000/-
16. P. Church, Muallum	Rs.	1260/-
i. Nu Niengkaih	Rs.	10/-
ii. Ngaikhannieng	Rs.	20/-
iii. Pa. Khamlienkhai	Rs.	50/-
iv. Nu Nienghau	Rs.	20/-



v. Nh. Chinneihoi	Rs.	10/-
vi. Pa Suanlienlal	Rs.	300/-
vii. Nu Suanniang	Rs.	80/-
viii. Nu Niengdei	Rs.	10/-
ix. Nu Kimneiching	Rs.	20/-
x. Upa M. Zamthang	Rs.	500/-
xi. Upa Suanlal	Rs.	100/-
xii. Upa Kamenthang	Rs.	10/-
xiii. Nu. Vunghaulian	Rs.	100/-
xiv. Nu Nuamkhanggai	Rs.	10/-
xv. Nu Lampi	Rs.	20/-
17. ZPC, Delhi	Rs.	42700/-
1. Pastor Kaimuanlal	Rs.	1000/-
2. Nianglianching	Rs.	500/-
3. Sarah Niangngaiching	Rs.	100/-
4. Donneiching	Rs.	100/-
5. Chingdeikim	Rs.	1000/-
6. Vunglam	Rs.	500/-
7. Marlin Chiinneitheng	Rs.	2000/-
8. Nu Nuanuam Dwarka	Rs.	1000/-
9. Nuomneilun	Rs.	500/-
10. Jelly Chinghoidim	Rs.	3000/-
11. Pauchinhau	Rs.	5000/-
12. Dimhoikim	Rs.	500/-
13. Mary Niangliankim	Rs.	5000/-
14. Remthianmawi	Rs.	1000/-
15. Khailianmang	Rs.	500/-
16. M. Ginkhankhup	Rs.	1000/-
17. Manneikim	Rs.	500/-
18. Ngaineikim	Rs.	1000/-
19. Eben Khuplian	Rs.	1500/-
20. Chinglianchiin	Rs.	3500/-
21. Ngaineivah	Rs.	1000/-
22. Langmuanlian	Rs.	1000/-
23. Kimdeilian	Rs.	1000/-
24. Manhaukim	Rs.	5000/-

25. Vungbiehlun	Rs. 500/-
26. Ruth Niangkhanching	Rs. 5000/-
27. Ningneichiin	Rs. 1000/-
28. Haumuanching	Rs. 3500/-
29. Niengneivah	Rs. 500/-
18. Dimneiching, Central Church	Rs. 1000/-
19. Kaplianmung, Central Church	Rs. 500/-
20. PWF Buangmun, Anntangtang	Rs. 500/-
21. Upa Goukhanthang, Zomi Bethel	Rs. 200/-
22. Rev. H. Nengzatun, Central Church	Rs. 1000/-
23. Kamkhogin, Central Church	Rs. 500/-
24. Evan Bhim Prashad, Paspoti	Rs. 300/-
25. Upa Dr. Lachinkhai	Anntang bag 1
26. Tuiningkual District, Tunnu limbel tuohkhawm	Rs. 865/-
27. Deborah Prayer Team, New Zoveng	Rs. 2000/-
28. Tv. Pauneithang, Bohlui	Rs. 10,000/-
29. Upa Kapkhanhau, Bohlui	Rs. 500
30. PWF Gangpimual	Anntang Kg. 49
31. K. Khaibiaklian, intending Candidate 60 Singgat AC	Anntang 1 Bag, Dal 5kg, Chini kg. 2
32. Julia Lamnu , Awnchinkap khuo	Rs. 1000/-
33. PWF New Zoveng	Anntang Kg. 95
34. PWF Thingkangphai	Anntang Kg. 82 <sup>1/2</sup>
35. Upanu Noukhanngai	Rs. 1000/-
36. PWF Hiengmual	Anntang Kg. 21 <sup>1/2</sup>
37. Commandant S Paul	Anntang - 3, chi- 5 kg, Singpi te- 2 kg, Sugar- 5 Kg. , Dal -5 Kg.
38. Nu Niangngaihlu, T. Tangnuam Bohbual, Annjang, Begap leh Sapmalta	
39. Nu Mandeniang , Zomi Colony	Mai Khat leh Orange- 17
40. PWF T. Munnuam	Anntang Kg. 50
41. PWF Aina	Anntang Kg. 50

PETU ZOUSIE MANGPA'N HING GUOLZAWL TAHEIN.

Note : Adihlou khate Office a suhdih thei zing ahi.

.....

## PATRON MEMBER-TE

- |                           |                              |                             |                                |
|---------------------------|------------------------------|-----------------------------|--------------------------------|
| 1. Upa Gouzamang          | 2. Pu Hav. Khamchinkhup      | 3. Pu Khamzalam             | 4. Pu Chinzasuan               |
| 5. (L) Upa Liansuanpau    | 6. Pu Khamchinthang          | 7. Pu S. Dalthang           | 8. Upa Kapkhanthang            |
| 9. Upa Langginmang        | 10. Upa S. Nangkhanlal       | 11. Pu S. Lamkthoang        | 12. Upa Dr. M. Lachinkhai      |
| 13. Upa Khamchinjam       | 14. (L) Upa D.K. Manlun      | 15. Upa Suankhanmang        | 16. (L) Upa Khupgou            |
| 17. Upa Chinkham          | 18. Upa Ngulchinkham         | 19. (L) Rev. V. Vungzalian  | 20. Rev. Retd. Kamkhosoi       |
| 21. Rev. Retd. Tualzachin | 22. Rev. (Rtd.) H. Nengzaton | 23. Rev. Awnkhanhup         | 24. Rev. Dr. Hangpi Manlun Zou |
| 25. (L) Pu Tuanzapau      | 26. (L) Rev. Ginchinjam      | 27. (L) Rev. Khamzasuan     | 28. Upa T. Lamkthoawng         |
| 29. Upa Khaichinmang      | 30. Rev. Stephen Chinzathang | 31. Pu Khupkhanmang         | 32. Pu Khaidohlian             |
| 33. (L) Hav. Khamzahang   | 34. Pi Vungzanuam            | 35. Pu T. Gouzadou          | 36. Upa Liensuonkap            |
| 37. Pi Zelkhochiin        | 38. Pi Hatkhanvung           | 39. (L) Pi Ngaihoiching     | 40. Pi Mankhannieng            |
| 41. Pu Goukhanmang        | 42. Pi Chingzalam            | 43. Pu S. Thianzakhai       | 44. Pi Kamkhanching            |
| 45. Pu Haukhanpau         | 46. Pu Tuallianmang          | 47. (L) Pu Dongkap          | 48. (L) Pi Chingkhanmang       |
| 49. Pi Donkhonian         | 50. Upa Henzakhup            | 51. (L) Pu Saichinpau       | 52. Pu Goumang                 |
| 53. (L) Upa Khamkhanhang  | 54. Shie Laangkhanlal        | 55. Pu Khamkhanlun          | 56. Upa L. Tualkhanpau         |
| 57. Upa Jamsianmung       | 58. Upa Ginzadong            | 59. Pu Kaizathang           | 60. Pi Goizanuom               |
| 61. Pi Thangneivah        | 62. Pu Khamzathang           | 63. Pi Donchin              | 64. Upa Liankhanmang           |
| 65. Pu Hauchinlun         | 66. Pu T. S. Lal             | 67. Pi Goichiin             | 68. Pu T. Khupchinthang        |
| 69. Upa T. Kaizalam       | 70. Pu Paul Henkholal        | 71. (L) Pu Soikham          | 72. Rev. P.C. Manga            |
| 73. Rev. Khamchinkhai     | 74. Rev. Jamlianpau          | 75. Rev. Chinzapau          | 76. Rev. Retd. Kamkhozam       |
| 77. Upa (L) Chinpu        | 78. Pu Zamkhanthang          | 79. Pu Chinglen             | 80. Miss Chinhaunieng          |
| 81. Upa P. K. Soia        | 82. Pu Goukhai               | 83. Pi Niangkhanmang        | 84. Evan. Retd. G.L. Joshya    |
| 85. Pi S. Chingkhanmang   | 86. (L) Pu Vumchinkhup       | 87. Upa Khaihenthang        | 88. Upa T. C. Pau              |
| 89. Upa Nengchinkap       | 90. (L) Upa Jamkhongam       | 91. Upa HT Manga            | 92. Mrs. Vahkholhing           |
| 93. Pu Hauliankap         | 94. Pi Chinnu                | 95. (L) Upa Ngulzakhai      | 96. (L) Upa T. Gougin          |
| 97. Pu Ginsuanhau         | 98. Upa (L) Langminthang     | 99. (L) Rev. David K. Samte | 100. Upa T.S.K. Samte          |
| 101. Upa S.K. Khama       | 102. Pu Jamkhopao            | 103. Pu Thatang Taihul      | 104. Pu Kamkhankap             |
| 105. Bhim Prasad Ghatani  | 106. Rev. M. Kapsuanthang    | 107. Nu Chingneikim         | 108. Rev. Khupkhansuan         |
| 109. Pi Mannuamching      | 110. Rev. Kaimuanlal         | 111. Upa Nengkhanlian       | 112. Nh. Deborah Zou           |
| 113. Pu T. Kuppa          | 114. Rev. (L) Mangsuanthang  | 115. (L) Pu Lamchinhou      | 116. Upa Pauchinlel            |
| 117. Nu Kimneihoi         | 118. Upa Kamgenpau           | 119. Nh. Niangsuannuam      | 120. Nu Ngaikehanvung          |
| 121. Pu P. Sanjiv Zou     | 122. Upa M. Kaichinkham      | 123. Upa T. Sianchinpau     | 124. Upa Sianzahau             |
| 125. Pu L. Thenkhosoi     | 126. Pu Kamsuanhang          | 127. Upa Th. Kaikholam      | 128. Upa Lunchinthang          |
| 129. Pu P. Tongthang Zou  | 130. H. Nehzamang            | 131. Pu Thangsuankhup       | 132. Upa M. Kamzadou           |
| 133. Pu Jamkholian Munlao | 134. Pu Sianzakhai           | 135. Upa Thanggingsuan      | 136. Pu Kapminlun              |
| 137. Pi Tingzavah         | 138. Dr. M. Limlunthang Zou  | 139. Rev. Hauzalian Manlun  |                                |

## LIFE MEMBER-TE

- |                            |                          |                       |
|----------------------------|--------------------------|-----------------------|
| 01. Upa (L) T. Khupkhenpau | 02. (L) Pu M. Ginzahau   | 03. (L) Pu Selzapau   |
| 04. Pu L.C. Pautungnung    | 05. (L) Pi Khamkhanneing | 06. Pi Ngaiunuom      |
| 07. Upa Chinsuanthang      | 08. Upa Shanti Kumar     | 09. Pu Kamkhohau      |
| 10. (L) Pu Khamkhohau      | 11. Upa Khamzathang      | 12. Upa Chinkhanthang |
| 13. Pu (L) Tongzathang     | 14. Pi Chiinneilam       | 15. Upa Kulthang      |
| 16. H/Sm. Upa Kaichinpau   | 17. Pi Niangzalam        | 18. Upa P. Doukholun  |
| 19. Pu Kapminlian          |                          |                       |

*Fundraised*

Please return to:

*The Editor*

KHRISTIAN TANGKOU  
ZPCS Office, Zomi Colony  
Churachandpur - 795 128  
P. O. Box - 48, Manipur, India  
Synod Office Telephone No. (03874) 235105  
Website: zousynod.org | email:info@zousynod.org  
zpcs@rediffmail.com/zousynod05@gmail.com

7a.

---

---

---